

福建府縣志輯

中國地方志集成

光緒漳州府志

中國地方志集成

福建府縣志輯②⑨

光緒漳州府志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 29, 光緒漳州府志 /
上海書店出版社編. - 上海: 上海書店出版社,
2000. 10
ISBN 7-80622-424-6

I. 中... II. 上... III. ①地方志-中國②地方志-
福建-漳州府 IV. K29

中國版本圖書館CIP數據核字 (2000) 第 27742 號

增刊漳州府志序

古職方氏之圖誦訓訓方氏之所掌世無傳者方志之體實齊章氏文史通義論之備矣然古今纂著不齊或時會適然求得成就一事必懸某義某例且坐廢否猶因仍舊文綴緝今制俾後來者有所采擇則與其廢也無如其舉也雅裁通識尚過而

序

存之漳自唐初置屯設郡越入我

朝略沿明制其疆域北析為龍巖州東西翼泉汀西南連粵之潮州而東南距海擅魚鹽果蓏舟楫之利俗故彊不受侮自宋朱子為之官師泊明石齋黃氏以理學忠節倡導後進士民益敦志行入此廿年再遭寇攘登陴蹈刃婦孺猶烈綜厥大凡漳實

序

二

巖郡面洋控島山海盤礴外必扼險要以制剽忽內必平氣矜以杜陵暴誠不可一日無紀載之書訂沿革鏡盛衰也郡志一修於康熙甲午再修於乾隆丙申丙申志駁議中廢嘉慶間嘗刊補闕葉近悉燬棄艱致完書子甲戌下車即謀續修頻年善後勤民力至再三計無餘資開局然及今不為懼并舊志泯焉郡人吳君篁圃吳君亦夔魏君雪樵皆博雅好古多識舊聞爰以茲事相屬諸君子則辭修而任刊既就兩志據文攷事尋繹綱目遂議用甲午之序次編丙申之卷帙舊有引繩方始勘正今所附益署為新增大要虛載筆之任課鉛槧之實具於凡例發之若夫條理山川

疏證名物網羅散佚揚權利病則斯役就
蘭未暇以詳遠惟周官地圖之遠近省實
齋志例之峻如余弁陋無可比附徒以一
麾領郡去兵火財十年彫瘵未蘇龜勉率
作此邦人士久而習焉今茲為此庶幾循
有舉無廢之義存一方故事後之君子是
正疏舛宏采精擇由此勒為一書以上涵

序

青澤中紀形勝下同風俗余蚤夜跂之矣

光緒三年歲次丁丑夏四月

欽加道銜福建候補知府署漳州府知府岳陽

沈定均撰

增刊漳州府志凡例

一郡志入

國朝凡再脩其脩于康熙甲午三十四卷者前守柏鄉魏
公延漳浦蔡文勤公總其事其脩于乾隆丙申四十六
卷者前守遵化李公長白雙公延安溪官君獻瑞總其
事乾隆志旋以奉駁中廢嘉慶丙寅前守特公刊復三
百餘葉近遭寇亂燬棄無餘余以丙申至今百年欲郡
紳就兩志合纂附以近事諸君謙不自任因議康熙志
久為藝林推重今如合纂勢必妄竄舊文而事仍不備
當謀鳩貲重刊乾隆志事增於前文筆亦非近人所及

漳州府志

凡例

唯既經駁議自應改正又其標目二十沿革康熙志之舊
而以災祥以上為志事列女以上為志人易其先後序
次康熙志以建置星野疆域山川規制學校祀典秩官
賦役選舉兵紀官職人物列女外相次今以其書
災祥雜記為次乾隆志以建置星野疆域山川風物
產古蹟秩官規制祀典學校選舉賦役兵紀藝文災祥
官職人物列女紀述為次然如秩官選舉職列姓名間亦撮舉行誼
安得謂非志人是其編次亦尚可酌後寺觀雜錄以前
以封爵職官官績選舉人物列女方外相次今以其書
正所謂志人也其義例視乾隆志完密矣今以其書
成未行議為重刊原文而依康熙志目次編卷示準
殘先民仍于各卷標目之下署明乾隆志卷幾便有蹤
迹可尋其奉駁各條悉與更定駁案匪亂燬失唯張福
衍傳恩例封典兩條

郡紳所習聞者詳後又據官君凡例不為生存列女立傳其至謹嚴聞當日兼以苛載列女被駁此則無從懸補其至丙申以來掌故事實兵燹之後載籍散亡兼紳于經費未能開局承訪議就稿籍所存聞見所及依類增附皆署明新增字樣閒有補輯康熙志者亦署明據康熙志補入字樣使與乾隆志文不相混如此則疏陋之譏所不能辭妄作之僞庶乎可免至於合纂俟之後賢議既定遂屬龍溪吳舍人聯薰魏明經森林南靖吳舍人廷颺合任其事其新增斷限截自光緒三年四月郡解落成止此增刊郡志之佳畧也

漳州府志

凡例

二

其中今以新序及新定凡例目錄列卷首之前起舊序訖新增省繪輿圖為卷首中增甲午小序以今刻依其序次也用丙申輿圖兼增新圖以今刻皆丙申原文圖當稱是獨雲霄舊未有圖而新圖圖屬皆詳核可據又不專補雲霄一圖也

一建置疆域卷末增雲霄縣其前皆乾隆志原文故各縣管轄未及開除選舉中乾隆丙辰進士蔡新下旁注現任兵部尚書按文恭官至文華殿大學士加太子太師今不改正者恐舉一廢百不若完其為丙申原文例同此

一規制中城池公署倉廩義家學校中學官學額

列聖御書扁額義學書院祀典中文廟從祀以下各祠廟卷

末皆有新增學校卷并附增府議雲霄廳設學詳文
二丙申以後秩官依秩增補唯癸丑甲子兩經兵火檔籍不全今就可考者載之其舊志新增交接處隨條著明賦役增載道光通志戶口光緒元年奏銷府冊并撫載道光十年鹽法志現行票盈新章
一選舉增丙申以後文武各途唯貢生尚多缺載其乾隆志恩例封典一類奉駁濫登今刪
二兵紀增同治六年裁設新章并丙申以後總兵官
一宦績人物皆有新增必入祀名宦鄉賢或已載通志及出處較然實有政績行誼可紀眾口無異詞者方敢登

漳州府志

凡例

三

王諭更好一字妄改尤敏敬謹更正

載其人物中乾隆志奉駁張福衍傳

一乾隆志原編列女三卷今增兩卷上卷節烈下卷殉難我

朝風教超邁前古故閨門遭變盛者節操如此後之秉筆者幸勿輕議剪裁

一康熙志民風載紫陽北溪遺文乾隆志輒加刪節今悉補入并增蔡宗伯文一首

一藝文總目據通志依類新增詩文據康熙志補如千首近時清樂建修諸碑記亦附增入用以紀事非盡謂其

文之可傳也各文當分附各類

沿舊志例入此

一 灾祥增見聞確鑿者會匪髮逆之變皆俄就撲滅而士民殉義且數十萬全書後附甲子忠義錄今畧具失事克捷年月增附寇亂之末

一 星野山川物產古蹟紀遺均無新增載稽康乾之朝開設志局據序文凡例所舉姓字與甲午之役者凡十餘人與丙申之役者僅二十人故能博採彙纂斐然有作今以彫瘵之餘爲鉛槧之舉日力物力非處寬閒惟恃吳魏三君子筆彙編輯盡兩年之力成五十卷之書視前此總纂分纂諸君甘苦勞逸有不可以道里計者刻

漳州府志

凡例

四

成三君方自以爲不詳不備欲若不足余爲著其勤勩如此

光緒三年歲次丁丑夏五月岳陽沈定均識

漳州府志目錄

序首

凡例

目錄

卷首

舊序

康熙志徵啟

康熙志凡例

康熙志小序

乾隆志凡例

漳州府志

目錄

乾隆志輿圖

附名蹟圖

新增輿圖

卷一

建置

卷二

星野

卷三

疆域

卷四

山川

卷五

規制上 城池 公署 倉廩 坊表

卷六

規制下 橋梁 津渡 水利 養濟 義冢

卷七

學校

卷八

祀典

卷九

秩官一 官制 唐宋元

漳州府志

目錄

二

卷十

秩官二 明巡道至府訓導

卷十一

秩官三 明知縣至訓導

卷十二

國秩官四 道員至同知

卷十三

國秩官五 知縣至訓導

卷十四

賦役上 田賦 戶口 屯丁 土田 屯田 雜稅

卷十五

賦役下 起運兵餉 存留支給 外附雜稅 戶口 田畝 鹽法

卷十六

選舉一 唐宋元

卷十七

選舉二 明進士舉人

卷十八

選舉三 明貢生 薦辟 薦辟 武科進士 文武職 勲爵 封贈 任子

卷十九

國選舉四 進士 舉人

漳州府志

目錄

三

卷二十

國選舉五 貢生

卷二十一

國選舉六 武科進士舉人 特用文武職 勲爵 封贈 任子

卷二十二

兵紀上 歷代兵制 營寨 諸遊 明歷官

卷二十三

國朝鎮營沿革 防汛 城堡關隘 塘遞 墩臺 教場 沿海圖 裁設新章

卷二十四

兵紀下 漳州鎮以下歷官 水師鎮營沿革至歷官

宦績一 唐 宋 元

卷二十五

宦績二 明

卷二十六

朝宦績三

卷二十七

朝宦績四

後半歷代武臣

卷二十八

人物一 唐 宋 元

卷二十九

人物二 明

卷三十

人物三 明

卷三十一

人物四 明

卷三十二

朝人物五

卷三十三

朝人物六

卷三十四

漳州府志 目錄

四

列女一 唐 宋 明

卷三十五

朝列女二

卷三十六

朝列女三

卷三十七上

朝列女四

卷三十七下

朝列女五

卷三十八

民風

卷三十九

物產

卷四十

古蹟

卷四十一

藝文一 著書 樂 詩

卷四十二

藝文二 賦 表奏 議 書

卷四十三

漳州府志 目錄

五

藝文三 序記

卷四十四

藝文四 記

卷四十五

藝文五 記 增補各體

卷四十六

藝文六 雜文

卷四十七

災祥 附冠亂

卷四十八

漳州府志

目錄

六

紀遺上

卷四十九

紀遺中

卷五十

紀遺下

附

甲子忠義錄 編緝未克

舊序

祥符圖經序

宋奉 議郎吳與

按本州在禹貢爲揚州南境周爲七閩地秦漢爲東南二
粵地漢平粵爲東會稽治縣并南海揭洋之地晉宋以來
爲晉安義安二郡地唐垂拱二年十二月九日左玉鈐衛羽府
左郎將陳元光平潮寇奏置州縣勅割福州西南地置漳
州在漳浦水北等以地方多瘴癘者壽余若乾隆志
乞遷他所開元四年勅移李湧川安縣地置郡自初置州
隸福州開元二十二年四月二日割隸廣州二十八年復隸
福州本二縣一曰漳浦卽州治也二曰懷恩后二十九年

漳州府志

卷首

舊序

一

四百五十二

十二以戶口逃亡廢之併入漳浦又割泉州龍溪縣隸本
州大歷十一年觀察使皇甫政奏割汀州龍巖縣來屬十
年五月二日從之天寶元年改爲漳浦郡乾元元年復爲漳
州興元二年刺史柳少安請徙治龍溪未報貞元元年十
六日觀察使盧慈錄奏勅從之遂以龍溪縣爲州治管龍溪漳浦龍
巖三縣山川清秀原野坦平良山記董鳳之遊九侯傳夏
后之祀趙佗故壘越王古城管頭之雉堞依然嶺下之遺
基可識陳將軍忠貞冠代王使君勳烈標時周先輩之奇
才潘侍郎之重德大同九虬之瑞開元祥雲之符靈跡應
祈筋山屏盜遺芳未泯勝槩可尋蔚爲江外之名邦不特

閩中之要地凡諸可傳悉具于後

宋淳熙臨漳志序

宋教李 綸

環千里而郡之必有郡治有郡治必有廨舍倉庫而後民得以雜處於其間有民雜處必有橋道坊市以爲之聚散城池營驛以爲之捍禦射圃學宮以爲之教習社稷寺觀廟宇爲之祠祀而遊觀焉其所資以衣食給用者則又有穀粟桑麻禽魚草木果藥蔬茗之類夫民生而聚聚而交交而鬪巧以相高宮室衣旅器械之用於是乎殊用取諸物物取諸土名山大澤廣坊平原之名於是乎著生息之藉耗而戶口異數輸納之多寡而貢賦異等先後之習尚

漳州府志

卷之首

舊序

二

四三五六

而風俗異宜以賢愚相聞而賢者之聲角出隱宦相形而宦族之傳派遠人物於是而不可沒矣以如是之人物足之所經目之所擊其在高山流水殊觀異聽必有吟咏之發揚碑碣之紀載愚夫細民口耳之傳授者大有可觀焉一郡之治千種萬流經賢明二千石日琢月範積有歲時美者有加惡者有減近世博物君子多取而述之以爲一書盧潮之圖經延平清源之志是也漳之爲郡自陳鷹揚肇創于唐之垂拱而天文地理可書周名第唱文于元和而風俗人物可書我朝皆以循良爲之守其所以成就藩飾之者無一而不可書可書而書不作無乃使人疑夫不

作之爲愧哉我判院趙公綱來式是邦其規模天造神設

有光於前于此而不書是無時而能書也隨初由官鬻民不苦官鬻而苦戶均口率之苛公一旦下令蠲去均率民得以持錢挈槁就官市鹽如平人交易公私便之矣瀕海有戍始爲盜設也旣而盜平戍不休民反擾于戍公檄罷之民至于牛酒往來隣里相爲慶賀曰太平官府乃今見之郡卒之督下邑歲供者先是相踵于道率倚郡命多爲邑民病公曰何至敝吾赤子命郡木匣以往專示之信自是民不知有卒而輸期迅矣巖棲谷飲之民耕植多蹂哺于象有能以機弁弓矢斃之者方喜害去而官責輸蹄齒

漳州府志

卷之首

舊序

三

四三五六

則又甚焉故民寧忍于象毒而不敢殺近有獻象齒者公以還之民且令自今斃象之家得自有其齒民知斃象之有獲無禍也深林巨麓將見其變而禾黍矣州學舊門庠且隘中涵凌雲之堂殿于道爲不稱公命廣以櫺星內榮外照制度不偏士之由以出入者始大其觀矣公之政大率先撫字尊校庠務使天子德意條暢乎山谷川澤一無底滯而後已故其緒餘所適見于剪繁滌穢鈴剛罔柔皆雕雕然不可掩人報以稀訟天答以虔稔而其和氣休風勇動感發則又有非尋常人力所能致而至者公旣廣州學櫺星門又命新儀門新之十日有槐生于門上之聖三

漳州府志

卷之首

舊序

四

四百四十四

華各七葉聖以灰和竹筋爲飾無可着之土而槐之蒼翠經月不厭人皆謂三公之應每歲郡士之與計偕率二十有一其擢第春官者不過三四爰自公廣學門之後父兄之誨子弟必重以母懷我公櫛星爲囑遂至市無遊吟野乏環佩曉窓夜螢達乎四境而公所津遣者果十人釋褐殿庭下此其爲效自垂拱以來蓋未之有然則前此之不書也非不書也未能書也公政鑒舊都郡乎文哉山川土地禽魚草木固自若也而其風俗之移文物之盛剖決呈露士論之欲書者如李牧田單戰卒鬱勃發揚思奮其勇于拔距超石之地雖欲弗書烏得而弗書闔十館之士

嘉定清漳志序

宋推官黃桂

方輿圖志古也漳州自唐如得爲郡宋興天下一統郡國悉以圖書來上累朝熙洽熙樂事備中興以來生齒日繁漳之事物益非昔比圖書以載尚矣顧今增之不已多乎

漳州府志

卷之首

舊序

五

四百四十五

曰是不然孔子述職方以除九邱夫邱言聚也九州所有土地所生風氣所宜皆聚此書孔子去之何也周官大司徒掌天下土地之圖周知九州廣輪之數凡山林川澤原隰名物皆辨焉亦足矣又有職方氏之圖若人民也財用也九穀六畜也利害悉記曰山鎮曰藪澤曰川曰浸曰區產曰民生男女之數細大不遺職方氏之圖詳于廣輪之數而九邱之書其視職方之圖益又相遠然則職方述矣九邱自亡用也孔子非除之也嗟夫天下者郡國之積也郡國所志志一郡也天下所志志諸郡也天下志諸郡以爲志則諸郡所志者宜詳不宜畧也詳符四年尚書職方准勅遍牒諸道州府軍監各令脩圖書如法架閣脩掌其意遠矣豈非以今既異于昔則畧寧過乎詳淳熙丁酉顏定肅公師魯作漳州重建州廳記尚歎惜四百年間漫無所考抑漳之圖經昔猶畧乎哉今距淳熙初元四十年矣戶數人物視古繁阜城池學校驛館輿渠道途阡陌變遷廢置總總也前後出守是邦者類皆名公卿或因舊而更新之或昔未有而創爲之或前未畢而續成之或已廢絕而振起之其闢風教補治道不少也前政皆未及耳失今不記恐後之視今猶今視昔也嘉定八年夏黃堂寺丞趙公以其事奏秋官方杰本之唐宋之經參之淳熙之志旁

據公牘追探碑刻或文籍所載或故老稱傳及耳目所親
記皆撫其實詮次之三閱月書成屬桂爲之序桂不得辭
也中元日郡從事三山黃桂敬序

漳州府志序

序原有

宋通王南一

漳隸閩接廣要郡也郡舊有圖經續謂之志國朝自祥符
至嘉定二百餘年屢經刊輯推以古今撮其綱要舊序詳
之矣閱載其間郡事豈無關於風化之本原生民之利病
失今不記則建新學閭貢宇者誰歟置桂莊立小學者誰
歟奏罷高荒儀寄產錢納苗米聽民自槩量者誰歟奏代
納民丁罷鹽鹽議行募役者誰歟創龍江書院以廣教養
漳州府志

卷之首

舊序

六

四百五十七

創虎渡橋以濟往來者誰歟淳祐癸卯冬郡文學趙君崇
珩請于郡侯寺丞章公曰公自下車若學校若貢闈若溝
渠城關之類靡不脩舉獨清漳志板老字漫若何公曰余
始至欲脩故府所藏南北史奪于勦山寇而未遑行將受
代不及事矣是舉適契予心君其主之趙君力董厥事旁
搜博採正訛補闕易而新之屬南一紀歲月南一以章公
之政足繼前脩趙君之請足嗣後世於是書

明正德漳郡志序

明郡人周瑛

正德庚午歲吏部以漳守關員上陳侯姓名于天子俾守
漳制曰可侯武陵人也名洪謨字宗禹其學得之尊翁西

谷先生封主事公侯爲人寬厚而博大誠信而周密既登
進士第歷南北戶刑二部郎中鬱有聲望及守漳凡錢穀
徭役甲兵獄訟諸事若探囊中所有而順實之矣至于事
有關於教化風俗凡可以轉移人心幹旋治道者皆汲汲
焉爲之而惟恐後蓋其志欲以古人君子事業自見不以
世俗稱能吏者自居也嘗語同官羅侯甫阮侯芳許侯廷
用曰郡縣誌所以紀載治道使有所考據而推行之者也
漳建州自唐垂拱至大明正德壬子歷八百有餘年惟淳
熙嘉定淳祐六七十年間凡三脩志其他上下寥闊無聞
非闕典耶諸同官曰事待人而行公勉之毋使他日之嘆
漳州府志

卷之首

舊序

七

四百五十八

今日如公今日之嘆前日可也時提學副使姚公鎮以古
行興學爲斯文領袖聞侯是舉有關於風教力獎成之侯
乃專介捧書幣北走莆田告瑛曰漳志之脩洪謨竊有志
焉敢以累下執事瑛先世有戎籍于漳之鎮海衛漳亦鄉
郡也瑛蚤歲嘗與漳諸生同計偕矣兄漳登雲嶺下先墳
在焉每翹首南望神爽輒爲飛去乃受書幣奉以告于祖
宗又以告于族之人族人以予年耄荒難予行時子大謨
領鄉薦在家請予侍乃以壬申歲五月赴漳既入境陳侯
郊迎禮甚恭卽館有司各以供具至少聞從事者請筮日
開局瑛辭曰古者去國展墓而行返國展墓而入予未展

墓安故事翌日侯乃遣官送予鎮海予望先墳而號者三俯仰瞻眺若有所失明日乃具牲牢以祭于墓比終事而返始從事筆硯告陳侯曰我國家疆理天下以司統府以府統縣此其大綱也以吏戶禮兵刑工分督庶務此其節目也大綱者古今通制而節目乃放周官而推行之也欲論治體宜有考于是自祝穆氏著方輿勝覽而脩郡縣者多祖之往往標題山川點抹風月寄興聲趣之表而治體微矣此予所以每撫卷而徘徊欲語人而復止也不知侯召我將何以教我陳侯曰洪謨嘗觀莆志矣請以脩前志者脩漳志可也瑛曰謹如命先時侯嘗令六縣備採事

漳州府志

卷之首

舊序

八

四四十五

蹟以來又聞已故林生祺著漳獻備志因取以來既開局乃慎選郡縣諸英俊若高生騏黃生芹王生淵鄭生衷蔡生烈相與從事瑛得會萃而觀之參互而考之定吏戶禮兵刑工爲六紀如莆志焉者因令某生治某紀而予得以擇其中每篇第成陳侯親自考訂而後授之及古崖黃侯芳由翰林來貳于漳復相與訂正而授之梓若夫人物一志乃陳侯舊所去取而予携歸家重審覆而定焉者書成大方伯陳公珂憲副姚公鎮既序諸首矣僉謂瑛于後不可以無言瑛聞天下大小事志專則立志分則奪漳志所以成者以陳侯志之事也初其間亦持異議惟陳侯志專

故異議亦定矣開局以來百凡用度皆陳侯自爲計未嘗以賦諸民而附郭尹史侯立誠或相之也予年邁陳侯專命丹霞驛丞袁哲以侯予哲用命故予得免於疾病而終厥事云

正德漳郡志序

明鄭陳洪謨

正德庚午夏予承乏漳南郡事執掌若未易以號令爲者旦夕祇慮每欲稽載籍以資化理詢諸學官衆故老皆曰亡之既而民訟其先世遺物有曰清漳志者亟呼其人俾持以來則紙敝墨渝漫不可讀揭其端乃宋淳祐志也志羅絡舊事又知有淳熙志嘉定志其目雖存而書亡矣用

漳州府志

卷之首

舊序

九

四四十六

是慨然有動于中亟欲脩輯之以承百廢之後日不暇給越明年政稍通乃謀郡邑諸文學以卒前志諸文學唯唯遂命兩學諸生林祺輩取山經地志大明一統志八閩通志及所得淳祐志凡有涉于郡事者悉皆採錄又命教諭陳徵徧詣諸縣廣詢博訪凡有涉于縣事悉皆採錄而漳州鎮海衛事蹟亦備採以來竊念作志非難作志而信今傳後爲難甫致政之老翠渠周先生者非其人歟或曰翠渠翁足跡不入城府者已二十年恐不可致用是遲徊久之後訪知翁發跡于鎮海先大夫墓在焉乃具書幣介顏生階蔡生烈詣莆以請二生者懇懇爲致予意翁慨然曰

漳志固予願也因而得展謁先墳尤予願也予其行哉
歲壬申夏五月翁來漳予率官屬耆老郊迂翁舉止健康
耳目聰明無異少壯子私喜曰天其相予有以成此志哉
翌日翁往鎮海展墓余飭屬官以待及歸治館龍江書院
擇諸生謹愨而文者四五人以待是歲閏五月開局至十
二月書成三之二共列傳諸卷未脫稿翁以歲暮辭歸其
家閉戶不出又數月書成俾來授予入梓予得而讀之蓋
翁之爲此志惟以脩明治道利益生民爲本若夫荒唐性
誕與吾儒論異者皆不在所錄其法以六紀提其綱以本
事疏其目以經史百家爲根據以組織其說凡一字一義

漳州府志

卷之首

舊序

十

四百四十

必精思妙契而後命筆有未合處雖數易而不憚煩烏虞
是可以信今傳後也無疑矣書凡三十卷釐爲八卷凡民
生之休戚風俗之美惡人物之臧否政治之從違得喪皆
於此乎繫先生以耄期之年而成此書固天有以相之矣
此洪謨之幸也亦後來司牧是郡者之幸也工既訖功迺
識數言于其後以見作志之首末如此云

嘉靖漳郡志序

明郡盧壁

漳前志脩於正德壬申不續者四十年矣南靖分而爲平
和漳浦分而爲詔安漳平之聚賢里割于延平之大田非
惟新者未載而舊者亦非其舊矣是故覽者病之嘉靖庚

戊余方以海防事待勘卧病郡齋時通府陸君體仁攝篆
郡博俞崇魁等率其諸生蕭應麒馬蒼錫王堂林應元等
以志事爲請陸君以告于璧璧難之陸君曰諸生能爲之
稿願勿辭旣而應麒著錫與王堂林應元四生各錄其所
爲稿郡人教授陳君富亦博採故實以告遂不容已乃檢
故牒參各志問訪之故老質之高明而類編成焉維時陸
君暨諸同寅龍君遂謝君承志李君日森各先後至裨益
實多勉余涼菲不足以承之爾旣脫稿乃請于中丞張公
侍御曾公沈公文宗朱公俱蒙不見絕遂刻付郡齋用爲
將來筆削之地其工費則陸君與璧之自措他無援也前

漳州府志

卷之首

舊序

十一

四百四十五

志板具存後有作者其尙考焉

萬歷癸酉漳郡志序

明郡羅青霄

府之有志猶古諸侯國之有史仰觀天文俯察地理中紀
人事其間盛衰休咎是非美惡所以昭勸戒而裨政教其
關係世道非淺鮮也漳自有唐將軍陳公元光于此撥亂
反治開疆啓宇郡治之所由設歷宋益弘以顯大儒朱文
公來守其郡勉齋北溪二公實羽翼之講明理學而教化
丕振及至我國朝名宦鄉賢彬彬輩出文獻足徵稱爲海
濱鄒魯信不誣矣迨後風俗漸澆政教未洽賦役不均鹽
訟大肆山海寇賊每每竊發當事者隨時經理建置倍作

始設六縣繼增而八至嘉靖末年又增而十矣天運而人

從時至而事起理勢則然也因革既殊述作亦異則志可

無脩乎訪宋有淳熙嘉定淳祐志我國朝陳高吾公脩于

申志盧玉田公脩庚戌志及予至郡前志燬于猷犯而詳

畧不可考矣乃謀諸同寅諸君子請于兩院司道諸公允

脩之乃會諸鄉先生講求故事屬王生彥草創其槩總裁

干謝吾溪公討論而潤色之公在戶署時嘗脩部志守廣

州時嘗脩府冊事宜三長悉備而于桑梓之邦則聞見習

熟而品藻素定文彙述作而義存勸戒其慎其公其明宜

不負斯舉也予以薄德叨守府事罔有善狀以續前脩而

漳州府志

卷之首

舊序

十二

四百四十二

因事建議期以保境息民興教淑士如醫之因病而藥之
不知對症與否而欲活人之心則固有同然者間亦見脩
志中有可作品味之佐使者在醫手采擇之耳志既脫稿
適巡臺南昌劉公出按于漳檄取府志裝帙以呈命刻之
梓工竣事諸先生屬予爲之序予愧不能善漳之治而志
中所載可以善治者則固有在焉來者取而行之未必無
小補也語云施藥不如施方又云方雖傳于古人效不必
有其已出是志也固善治之方也此諸鄉先生所與人爲
善與予諸同寅共事之意也因書之以告觀斯志者以識
脩志之歲月云

萬歷癸酉漳郡志序

明耶謝彬

漳有志肇宋淳熙嘉定淳祐間淳熙嘉定無傳淳祐家有
藏者然輩輩歷元連國朝正德壬申凡二百餘年守陳侯
洪謨始創脩之又四十年爲嘉靖庚戌守盧侯璧續脩歲
乙卯二板俱燬于變嗣守桂侯嘉孝唐侯九德極力爲脩
俱未就隆慶庚午忠州羅侯以官大夫來任屬情爲治凡
政有利弊悉罷行之其大者如脩譙樓繕城壁建書院禁
刁訟興教約正田賦減餉銀練土著以省客兵通商稅以
補民糧清廟寺之租置學校之田具如志所列瑣屑未易
更僕而尤加意于郡志忽一日召郡士大夫宴于悅勝亭

漳州府志

卷之首

舊序

十二

四百四十二

酒半言曰漳闕志久矣諸大夫皆土產能知地方事爲秘
已嘗命儒官王君彥彙爲章尙有待于脩諸大夫其圖之
因舉觴屬彬曰君子諸大夫爲見事多幸爲我成之復觴
主事金君鉉鄉貢士余君一愚曰二君其底協厥事予始
受侯命未知所諾退而知侯實先以某某姓名請于諸當
道弗克辭已則金余二君復以齒讓而併其責于予乃自
爲已任顧前志以郡邑合敘侯命析而志之未免有費分
疏又自庚戌以來地方之變故事體之改更若奕棋然不
能坐而策之必諮于掌故者郡或行文書下縣官不暇省
吏輒漫以應或匿不以實聞覆下之三四乃可得異日者

原局置員百執事各司其物侯則欲總覈名實不徒事虛
文謂衆之難不如一之專也故有董百役于一身而莫眩
告齊始事于壬申之春迄癸酉夏凡四易彙始克就適代
巡南昌劉公按漳侯以前彙呈命刻之刻成侯謂予嘗有
一言以序其始未予謂侯既有序以冠于前予又何贅然
聞之治郡猶治家也治家者凡夫男女之生娶田疇之坐
置歲計之盈縮賦獲頽良與夫器物用度之繁門戶錫鍵
之守既竭心思以理之而又于家衆之中擇其能者俾其
司簿籍以專紀載雖其弱子孫有所憑依以爲世守而姦
人莫之敢覬覦者以載籍存焉耳侯之作志之意何以異
漳州府志 卷之首 舊序 四

是予嘗憂邑籍之變亂日甚一日然詎知是志之存不有
以繫點胥之手足耶故郡志者邑籍之左契也徒作云乎
哉錄是知侯之爲後世慮至深遠也侯又嘗語予曰昔宋
趙判院脩淳熙志令勿書其所行之事今予所書有吾行
事奈何予曰是何傷哉孔子作春秋于齊人來歸鄆謹龜
陰之田不嫌于自叙若已有善政書之告後人適所以爲
公爾矧載筆之事乎侯以爲然遂書以綴之

萬歷癸丑漳郡志序

明郡戴耀

清漳當閩越外徼唐建郡梁山之麓遷治九龍則隋氏故
邑山川風氣所鬱茲千有餘年于此矣五代干戈雲擾至

宋而盛由元入我明而又盛當其盛也人物斌蔚大事可
書載筆者用能集所聞見而奮其辭世衰則否故五代及
元無志焉宋之爲志者四祥符圖經淳熙嘉定淳祐諸志
是也本朝嘉隆以前之爲志者三武陵陳公肝貽盧公忠
州羅公所迭編摩前志是也今天子以神聖在宥又四十
一年矣仁滂施厚以及海隅漳實當盛際嚮焉山阻海莽
藥間作邇則比屋熙熙民垂老不識金革之事嚮以遠郡
瘠邑宦轍弗樂邇則名賢接軫循績茂聲在在可紀嚮科
目盛于數縣邇則輒蓬遞徧新造之區浸培望邑嚮士習
帖括用棉邇顯邇有擢臯而譚性命之學捫管而脩千秋
漳州府志 卷之首 舊序 五

之業嚮致位九列指僅數屈今得時而駕卿京中臺炳煊
宦牒者踵武相望若桴山航海泉貨充盈珠香象庫文具
之屬輿服伎巧珍錯之利無脛而走海內不可殫計錄今
揆昔未見其止錄昔較今不可謂非風會極盛而志可疏
闕乎吳興昭余閱公守郡三載績成嘗語其同寅諸大夫
曰郡志四十載弗續久且益軼懼無以訂往詔來責在守
臣且夫志一郡而離折爲十往則陋矣蓋是正乎會按圖
直指陸公有更脩全閩通志之議徵事八郡公乃檄諸令
長延致家食二三大夫及孝廉中綜貫舊典者委成焉于
是分曹授簡始壬子首夏迄癸丑春孟而輿輶成于時閱